
Lescha davart ils dretgs politics en il chantun Grischun (LDPC)

Midada dals [Data]

Relaschs tangads da questa fatschenta (numers dal DG)

Nov: –
Midà: **150.100** | 150.400
Aboli: –

Il Cussegl grond dal chantun Grischun,

sa basond sin l'art. 31 al. 1 da la Constituziun chantunala,
suenter avair gi invista da la missiva da la Regenza dals ...,

concluda:

I.

Il relasch "Lescha davart ils dretgs politics en il chantun Grischun (LDPC)" DG [150.100](#) (versiun dals 01-01-2024) vegn midà sco suonda:

Art. 41 al. 1

¹ Sche pliras persunas han survegni il medem dumber da vuschs, decida la sort davart l'elecziun u davart la successiun d'occupar in post. La sort vegn tratga:

- b) **(midà)** da la cumissiun administrativa tar elecziuns da la dretgira regionala;
- c) *aboli*

Art. 43 al. 1 (midà)

¹ Sche la differenza dal resultat total provisoric d'ina elecziun **da maiorz** u d'ina votaziun che vegn erui importa tranter l'ultima persuna elegida e l'emprima persuna betg elegida respectivamain tranter las vuschs affirmativas e las vuschs negativas main che 0,3 pertschient da las vuschs valaivlas consegnadas, sto succeder d'uffizi ina verificaziun dal scrutini.

Art. 95 al. 2 (midà)

² Tar il ~~cussegl grond~~ **Dretgira superiura** po vegnir fatg recurs pervia da la violaziun dal dretg da votar e pervia dad irregularitads tar la preparaziun u tar l'execuziun da las elecziuns dal ~~cussegl~~ **Cussegl** grond.

Art. 97 al. 1

¹ Ils recurs ston vegnir inoltrads entaifer trais dis dapi la scuverta dal motiv da recurs, il pli tard però il terz di suenter la publicaziun uffiziala dals resultats d'ina elecziun u d'ina votaziun, a las suandantas instanzas:

- a) **(midà)** a la ~~chanzlia~~ **Chanzlia** chantunala: recurs tenor l'~~artitel 95 alineas 1 fin 3~~ **artitel 95 alinea 1 ed alinea 3**;
- b) **(midà)** a la ~~dretgira administrativa~~ **Dretgira superiura**: recurs tenor l'~~artitel 95 alinea 4~~ **artitel 95 alinea 2 ed alinea 4**.

Art. 102 al. 1 (midà)

¹ Cunter decisiuns da la ~~regenza, dal cussegl grond~~ **Regenza** e da la cumissiun cumpetenta dal ~~cussegl~~ **Cussegl** grond sco er da las autoritads da las dretgiras regiunalas, da las regiuns e da las vischnancas po vegnir recurri tar la ~~dretgira administrativa~~ **Dretgira superiura** pervia da violaziun da dretgs politics.

II.

Il relasch "Lescha davart l'elecziun dal Cussegl grond (LECG)" DG [150.400](#) (versiun dals 01-10-2021) vegn midà sco suonda:

Art. 6 al. 1 (aboli), al. 2 (aboli), al. 3 (midà)

¹ *aboli*

² *aboli*

³ Las deputadas ed ils deputads contestads dastgan far part da las sesidas, fin che las chaussas da recurs en liquidadas ~~tras il Cussegl grond~~. Per il tractament ston ellas ed els prender recusaziun **cun vigor legala**.

III.

Naginas aboliziuns d'auters relaschs.

IV.

Questa revisiun parziala è suttamessa al referendum facultativ.

La Regenza fixescha il termin da l'entrada en vigur.